

South Sotho - Botle Kgopololo Mangolo - Good Mind Scriptures

Levitike 24:12 Ba mo lebela, ho fihlela ha Moshe a tla ba bolella ka taelo ya Jehova se ka etswang ka yena.

Deuteronomia 18:6 Ekare ha Molevi a etswa motseng o mong wa metse ya hao, nqalang tsohle tse Israeleg tseo a ahileng ho tsona, mme a etla ka takatso yohle ya moyo wa hae nqalang eo Jehova a tla e kgetha;

Ruthe 1:18 Naomi, ha a bona hobane o pheheletse ho tsamaya le yena, a lesa ho bua le yena.

1 DiKronike 28:9 Haele wena, mora ka Salomone, hlokomela Modimo wa ntatao, mme o o sebeletse ka pelo yohle ya hao le ka moyo o o ratang; hobane Jehova o botsisia dipelo tsohle, mme o lekola merero yohle le mehopolo yohle. Ekare ha o mo batla, o tla fumanwa ke wena; ha o mpa o mo furalla, o tla o lahla ka ho sa feleng.

Nehemia 4:6 Ra tsosa lerako jwalo, mme lerako lohle la kopanngwa ho isa bohareng ba Iona; haele setjhaba, se ne se rata ho sebetsa.

Jobo 23:13 Leha ho le jwalo, o na le kgopolo e le nngwe feela; ke mang ya ka o reteletsang? Seo moyo wa wona o se ratang, o a se etsa.

DiProverbia 29:11 Lehlanya le hlahatsa kgalefo ya Iona; empa ya bohlale o a e tshwara, o a e kgutsisa.

Esaia 26:3 Ya pelo e tiileng o tla mmoloka kgotsong e fetisisang, kahobane o o tshepile.

Mareka 5:15 Eitse ha ba fihla ho Jesu, ba bona ya neng a na le batemona ba legione a dutse, a apere, a ena le ditaba; mme ba tshaba.

Luka 8:35 Yaba batho ba tswela ho ya bona ho entsweng; ba fihla ho Jesu, ba fumana motho eo batemona ba tswileng ho yena a dutse maotong a Jesu, a apere, a ena le ditaba: mme ba tshaba.

Diketso 17:11 Bao ba fetisa ba Thesalonika ka bokgabane, ba amohela lentswe ka tjheceso e kgolo, ba botsisia Mangolo ka matsatsi wohle, ho tseba hore na ditaba tseo di jwalo ruri na?

Diketso 20:19 kamoo ke sebeleditseng Morena kateng, ka boikokobetso bohole, le ka meokgo e mengata, le ka meleko e ntlhahetseng ka baka la merero ya Bajuda;

BaRoma 7:25 Ke leboha Modimo ka Jesu Kreste, Morena wa rona!

BaRoma 8:6 Hobane thato ya nama ke lefu, empa thato ya moyo ke bophelo le kgotso.

BaRoma 8:27 Mme ya lekolang botebo ba dipelo, o tseba kgopolu ya Moya, hobane o ntse o rapella bahalaledi ka mokgwa o ratwang ke Modimo.

BaRoma 11:34 Hobane ke mang ya tsebileng kgopolu ya Morena, kapa ke mang e bileng moeletsi wa hae?

BaRoma 12:2 Hape le se ke la ipapisa le lefatshe lena, le mpe le fetohe ka ntjhafalo ya kelello ya Iona, le tle le lemohe ho ratwang ke Modimo, hore na ke hofe, ho molemo, ho kgahlehang, ho phethehileng.

BaRoma 12:16 Kgomarelanang hammoho ka pelo e le nngwe; le se ke la lakatsa tse phahameng, le mpe le ipapise le tse nyenyane. Le se ke la ipona bohlale.

BaRoma 14:5 E mong o lekanya letsatsi le leng hoba le leholo ho a mang, kanthe e mong o re, matsatsi kaofela a lekana. E mong le e mong a ke a kgolwe hantle moyeng wa hae.

BaRoma 15:6 bohole hammoho le tle le tlotsise Modimo, e leng Ntata Morena wa rona Jesu Kreste, ka molomo o le mong.

1 BaKorinthe 1:10 Ke a le rapela, banabeso, ka lebitso la Morena wa rona Jesu Kreste, ke re: Le ke le bolele bohole taba e le nngwe; dikgaohano di se ke tsa eba teng hara Iona, le mpe le phethehe boikutlong bo le bong le kgopolong e le nngwe.

1 BaKorinthe 2:16 Hobane ke mang ya tsebileng kgopolu ya Morena a tle a mo rute? Empa rona, re tsebile kgopolu ya Kreste.

2 BaKorinthe 7:7 Mme hase ka ho fihla ha hae feela, hape e bile ka tshediso eo a tshedisitsweng bakeng sa Iona ka yona, kamoo a re boleletseng hlolahelo ya Iona kateng, ho lla ha Iona, le kamoo le ntjhesehelang kateng; taba tseo tsa ba tsa nthabisa haholo.

2 BaKorinthe 8:12 Hobane ho rata ha ho le teng, motho o ye a natefelwe ka seo a nang le sona, e seng ka seo a se hlokang.

2 BaKorinthe 9:2 hobane ke tseba tjheseho ya Iona tabeng ena eo ke ntseng ke ithorisa ka Iona ho ba Masedonia, ka ho re, ba Akaea ba se ba ne ba lokise le ngwahola; mme tjheseho ya Iona e fela e tsositse ba bangata.

2 BaKorinthe 13:11 Ha ke qetella, banabeso, ke re: Ithabeleng, le phethehe, le tshedisane, le be le kgopolu e le nngwe, le dule ka kgotso; mme Modimo wa lerato le wa kgotso o tla ba le Iona.

BaEfese 4:23 le ho ntjhafala mehopolong ya dipelo tsa Iona,

BaFilipi 2:2,3 le ke le phethise thabo ya ka, ka ho ba le kgopolu e le nngwe, le lerato le le leng, le moyo o le mong, le ho ikutlwa ho le hong feela. 3 Le se ke la etsa letho ka kgang, leha e le ka boithoriso ba lefeela, empa

e mong le e mong, ka boikokobetso, a lekanye hobane ba bang ba mo fetisa.

BaFilipi 4:2 Ke kgothatsa Efodia, ke kgothatsa Sintike, hore ba be le pelo e le nngwe Moreneng.

BaFilipi 4:7 Mme kgotso ya Modimo, e fetisang kutlwisiso yohle, e tla boloka dipelo tsa Iona le mehopolo ya Iona ho Jesu Kreste.

BaKolose 3:12 Le apare ke hona, kaha le le bakgethwa ba Modimo, ba halalelang, ba ratwang, maikutlo a mohau, a molemo, a boikokobetso, a bonolo, a mamello.

2 BaThesalonika 2:2 Le se ke la phaka la sisinyeha pelong tsa Iona, leha e le ho tshoha ke moyo, mohlomong ke polelo, kapa ke lengolo leo ho thweng, le tswa ho rona, le ka reng: Letsatsi la Kreste le haufi.

2 Timothea 1:7 Hobane Modimo ha o a ka wa re nea moyo o boi, empa e le wa matla, le wa lerato, le wa kelello.

Tite 2:6 Banna ba batjha le bona o ba kgothatse, hore ba phele ka kelello.

BaHeberu 8:10 Haele selekane seo ke tla se hlabo le ntlo ya Israele kamora ditshiu tseo, ke sona sena, ho bolela Morena: Ke tla kenya melao ya ka kelellong tsa bona, ke e ngole dipelong tsa bona; mme ke tla ba Modimo wa bona, le bona e tla ba setjhaba sa ka.

1 Petrose 1:13 Jwale he Iona, itlameng matheka a dikelello tsa Iona, le phele ka boitshwaro, le lete ka tshepo e tiyang mohau oo le tla o tlisetswa mohla Jesu Kreste a hlahang.

1 Petrose 5:2 ke re: Alosang mohlape wa Modimo o ho Iona, le o lebele, e eng ka ho qophellwa, e mpe e be ka ho rata; e seng ka baka la moruo o mobe, e mpe e be ka ho rata;

2 Petrose 3:1 Baratuwa, e se e le lengolo la bobedi leo ke le ngollang Iona; mme ka wona a mabedi ke ntse ke re, ke a le hopotsa hore ke tsosa maikutlo a Iona a hlwekileng;

Tshenolo 17:9 Ke mona ho hlokwang kutlwisiso e nang le bohlale. Dihlooho tse supileng ke dithaba tse supileng, tseo mosadi a dutseng hodima tsona.